



Broj: JN1 11-03-26-207-26 /25
Sarajevo, 12 .02.2026. godine

Na osnovu člana 64 stav (1) tačka b), člana 70 stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22), a na osnovu preporuke Komisije za javne nabavke broj: JN1 11-03-26-207- /25 od .02.2026. godine, a u postupku nabavke vojnog materijala – naočale, zaštitnih balističkih po Obavještenju objavljenom na portalu javnih nabavki dana 18.10.2025, pod rednim brojem:15 (PJN MO BiH redni broj:61), ministar odbrane BiH donio je:

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke o izboru najpovoljnijeg ponuđača za javnu nabavku vojnog materijala – naočale, zaštitnih balističkih za potrebe MO BiH i OS BiH za 2025. godinu i dodjeljuje se ugovor ponuđaču KMTRADE d.o.o. Visoko, za ponuđenu cijenu od 27.150,00 KM bez PDV-a (šifra po JRJN:33735100-2), kao jedinoj prihvatljivoj ponudi za ugovorni organ.

II

Ponuđač iz tačke I ove Odluke dužan je dostaviti original ili ovjerene kopije dokumenata iz člana 45. stav 2. Zakona u roku od pet dana od dana prijema ove Odluke.

III

Prijedlog ugovora o nabavci Sektor za nabavku i logistiku/Odsjek za ugovaranje, nabavku i prodaju dostavit će se na potpis izabranom ponuđaču KMTRADE d.o.o. Visoko po proteku roka od 10 dana, računajući od dana od kada su svi ponuđači obavješteni o izboru najpovoljnije ponude.

IV

Za izvršenje ove odluke zadužuje se Sektor za nabavku i logistiku/Odsjek za ugovaranje, nabavke i prodaju.

V

Ova odluka objavit će se na web stranici Ministarstva odbrane Bosne i Hercegovine www.mod.gov.ba.

VI

Ova odluka stupa na snagu danom donošenja i ista će se dostaviti svim ponuđačima u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: JN1 11-03-26-207-13/25 od 30.10.2025. godine
Javna nabavka je sprovedena putem konkurentskog postupka broj: JN1 11-03-26-207-14/25 od 16.12.2025. godine

Procijenjena vrijednost javne nabavke je 27.414,53 KM bez PDV-a. Tenderskom dokumentacijom nije predviđeno zaključenje okvirnog sporazuma.

Obavještenje o javnoj nabavci objavljeno je na portalu javnih nabavki dana 18.10.2025. godine.

Komisija za javnu nabavku imenovana je Odlukom broj: JN1 11-03-26-207-15/25 od 16.12.2025. godine.

Komisija za javnu nabavku dostavila je dana 19.01.2026. godine Zapisnik o javnom otvaranju ponuda broj: JN1 11-03-26-207-18/25 od 19.01.2026. godine te nakon izvršene ocjene i vrednovanja ponuda dostavila Zapisnik o radu i ocjeni ponuda broj: JN1 11-03-26-207-25/25 od 12.02.2026 godine.

U postupku javne nabavke vojnog materijala – naočale, zaštitne balističke utvrđeno je da je Komisija za javnu nabavku pravovremeno i pravilno izvršila otvaranje i ocjenu ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda za predmetnu nabavku 4 (četiri) ponude,
- da su od toga pravovremeno zaprimljene 4 (četiri) ponude,
- da je od toga nepravovremeno zaprimljeno – nije bilo nepravovremeno zaprimljenih ponuda,
- da je ponuda ponuđača „**KMTRADE**“ **d.o.o Visoko** je jedina prihvatljiva za ugovorni organ.

Da ponuda ponuđača „**6 Novembar**“ **d.o.o Zvornik** ne ispunjava uslove predviđene Konkurentskim zahtjevom član 2.1.d)1) i 2.2.d)1) Naime, u svrhu dokazivanja tehničke i profesionalne sposobnosti ponuđač je dužan dostaviti spisak izvršenih ugovora (jednog ili više o isporuci robe kao što je ovaj predmet nabavke u **posljednje tri (3) godine** (računajući od datuma objave obavještenja o nabavci) ili od datuma registracije, odnosno početka poslovanja ako je ponuđač registriran, odnosno počeo s radom prije manje od tri (3) godine.

Uvidom u ponudu navedenog ponuđača, komisija je utvrdila kako je isti dostavio Potvrdu izdatu od strane Ministarstva odbrane BiH broj: JN1 11-03-26-6-67/23 od 04.02.2025. godine **za ugovore iz 2021. godine, a ne u posljednje tri godine** te Potvrdu od strane Pošta Srpske broj: 1/2.5-2197-2/24 od 03.02.2025. godine i obje se ne odnose na predmet ove nabavke, što nije u skladu sa zahtjevima tenderske dokumentacije.

Da ponuda ponuđača **Austability d.o.o. LUKAVAC** ne ispunjava uslove predviđene Konkurentskim zahtjevom član 2.1.d)1) i 2.2.d)1) „uspješnu realizaciju ugovora (jednog ili više ugovora u nizu) o isporuci robe kao što je ovaj predmet nabavke u **posljednje tri (3) godine** (računajući od datuma objave obavještenja o nabavci) ili od datuma registracije, odnosno početka poslovanja ako je ponuđač registriran, odnosno počeo s radom prije manje od tri (3) godine, a čija vrijednost jednog ili više ugovora u zbiru nije bio/la manja od 26.000,00 KM bez PDV-a“ iz koga Komisija nakon izvršenog uvida u ponudu navedenog ponuđača, odnosno realizirane ugovore, nije mogla da utvrdi je li isti imao uspješnu realizaciju koja je u vezi sa predmetnom nabavkom. Osim toga ponuđač Austability d.o.o. LUKAVAC, obzirom da nije bio u mogućnosti pribaviti potvrde o izvršenim ugovorima, a što je konstatirao u svojoj Izjavi, nije predočio dokaze o učinjenim pokušajima da se takve potvrde obezbjede u skladu sa zahtjevima tenderske dokumentacije.

Navedeni ponuđač ponudio je više od 50 % nižu cijenu u odnosu na ostale ponuđače navedene naprijed u tabeli. Istom je komisija uputila Zahtjev za pojašnjenje neprirodno niske ponuđene cijene ponude broj: JN1 11-03-26-207-23/25 od 22.01.2026.godine na što je isti dostavio

Pojašnjenje broj: 20260119-01/4 od 27.01.2026. godine za ponuđene cijene u ponudi broj: PON 20260119-01 od 19.01.2026.godine, a koje je sastavni dio ovog zapisnika.

Pored toga, gore navedeni ponuđač nije postupio prema članu 2.2.c)1), odnosno nije dostavio Izvještaj o računima poslovnog subjekta koji izdaje Centralna banka BiH, takođe isti nije numerisao sve stranice/listove i nenumerisani dijelovi ne čine kompaktnu cjelinu sa ostalim numerisanim dijelovima ponude, niti je ovjerio potpisom ponude u skladu sa članom 4.2. Konkurentskog zahtjeva.

Da Ponuda ponuđača **SHOT d.o.o. Zenica** ne ispunjava uslove predviđene Konkurentskim zahtjevom član 2.1.d)1) i 2.2.d)1) Naime, u svrhu dokazivanja tehničke i profesionalne sposobnosti ponuđač je dužan dostaviti dokaze o uspješnoj realizaciji ugovora (jednog ili više ugovora u nizu) o isporuci robe kao što je ovaj predmet nabavke u **posljednje tri (3) godine** (računajući od datuma objave obavještenja o nabavci) ili od datuma registracije, odnosno početka poslovanja ako je ponuđač registriran, odnosno počeo s radom prije manje od tri (3) godine, a čija vrijednost jednog ili više ugovora u zbiru nije bio/la manja od 26.000,00 KM bez PDV-a.

Uvidom u ponudu navedenog ponuđača, komisija je utvrdila kako je isti dostavio Potvrdu izdatu od strane policije Brčko Distrikta broj: 14.04.1-13-31162/24 od 24.04.2024. godine o realizaciji ugovora nabavka taktičkih naočala vrijednosti 1.170,00 sa uračunatim PDV-om, Potvrda o uredno izvršenom ugovoru od strane MUP HNK Mostar nabavka odijela za zaštitu od eksplozije vrijednosti 105.229,80 KM sa uračunatim PDV-om, Potvrda o uspješno izvršenom ugovoru broj: 14.04.1-13-81833/25 od 04.11.225. godine sa policijom Brčko Distrikta nabavka nosača balističkih ploča vrijednosti 70.182,45 sa uračunatim PDV-om, a uvidom u iste komisija je konstatala kako se dostavljene potvrde o uspješnoj realizaciji ugovora **ne odnose na predmetnu nabavku** što je u suprotnosti sa tačkom 2.1 pod d) Konkurentskog zahtjeva za dostavljanje ponuda.

U postupku donošenja ove odluke, posebno su cjenjene činjenice da je Komisija pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije.

U postupku ocjene provedenog postupka, rukovodioc ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija pravilno postupala te da je izbor najpovoljnijeg ponuđača izvršen na osnovu Zakona o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen na osnovu kriterija za dodjelu ugovora „najniža cijena tehnički zadovoljavajuće ponude“ i utvrdila sljedeću listu:

R/B	NAZIV PONUĐAČA	KONAČNA CIJENA U KM BEZ PDV-a	POPUST
1	KMTRADE d.o.o	27.150,00	0%

Izabrani ponuđač je izabran primjenjujući kriterij „najniža cijena“, koju je ponudio u iznosu od 27.150,00 KM bez PDV-a i bez popusta.

Iz navedenih razloga, primjenom člana 64 stav (1) tačka b), člana 70 stav (1), stav (3), odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba Kancelariji za razmatranje žalbi u roku od 5 dana od dana prijema odluke. Žalba se podnosi putem Ministarstva odbrane Bosne i Hercegovine.

MINISTAR

Zukan Helez

Dostaviti:

- „SHOT“ d.o.o Zenica, Zmajevačka cesta 55c, info@shot.ba,
- „Austability“ d.o.o. Lukavac, Kralja Tvrtka I b.b, austability.bhteam.@austability.com,
- „KMTRADE“ d.o.o Visoko, Čaršijska bb, info@kmtrade.ba,
- „6 NOVEMBAR“ d.o.o. Zvornik, Vuka Karadžića 143, nebojsa23@live.com
- Kancelarija za odnose sa javnošću MO BiH (objava na web stranici)
- a/a